

婁縣續志卷十二

祥異志

降祥降殃之說載自尚書而儒者或不道豈以其穿鑿附會近於虛妄故歟顧遇災而懼亦君子律身之常況吾邑自遭粵逆擾亂前後數十年間上帝好生豈無所以儆人心而先爲之兆乎爰就聞見所及彙而志之不得盡以無稽而廢之也志祥異

乾隆元年丙辰秋七月嘉禾生歲大稔

三年戊午秋九月初三日龍鬪於泖由泖港東南入海所過處禾稼盡傷

八年癸亥冬十一月二十八日夜有星孛於西方月

婁縣續志

卷十二

祥異

一

餘始滅

九年甲子春二月初九日大雨雹五月大雨數日水陡漲發北鄉湮沒田畝無數是年大饑至有以斗米易一婦者

十三年戊辰秋七月禾生兩穗

二十年乙亥夏六月霪雨經月天氣如冬秋蝻生五穀木棉皆不實冬地震

二十一年丙子夏六月大疫

二十四年巳卯春三月慧星見南方月餘始滅

二十六年辛巳春正月朔日月合璧五星聯珠

二十七年壬午秋七月風雨大作平地水漲數尺沿

海城垣及官民廨舍傾圮無數米價騰貴

三十四年巳丑夏大水秋七月有星芒長數尺西指至八月而滅

三十七年壬辰歲大稔夏六月十七日午後天微雲不雨忽迅雷聲震華署古柏一枝樹仍榮茂

三十九年甲午秋九月地震冬十月甘露降

四十六年辛丑夏六月十八日颶風驟雨竟晝夜鹹潮溢入內河經半月水復淡是夜沿海官民廨舍多有漂沒者士人謂之海嘯

四十七年壬寅夏六月地震秋七月泗涇鎮南龍鬪大風壞室廬吳楊口石橋失其半拋落不知其處

婁縣續志

卷十二

祥異

一

四十八年癸卯上巳日自辰至酉積雪盈尺秋七月七寶鎮市河中有蜈蚣數萬隨潮而入居民相戒不敢飲其水

五十一年丙午春二月鹹潮從浦口入府城河水如鹵兩旬始退夏米價翔貴每斗至五百六十文

五十五年庚戌四月大雨雹壞麥

嘉慶三年戊午春正月五日大寒廚竈皆冰有僅舉一炊而不起者是歲旱

九年甲子夏五月狂風數日河水陡漲田畝盡沒薪米昂貴

十二年丁卯秋七月大星見於西有芒作作三四夜

卽滅

十六年辛未夏六月二十三日夜西北有星芒溢三四丈倏斂倏放光焰如火直指斗柄之第三星黃昏卽起後復有星見東北五更始起光芒亦鉅遙射斗宮至十一月俱滅秋八月朔白虹橫亘東西初五至初七大霧三日著物俱成白色

十七年壬申秋七月二十三日白虹見

十九年甲戌夏六月徧地生白毛毵輒如髮長一二尺不等是歲大旱

二十五年庚辰秋大疫

道光元年辛巳夏大疫秋雞翼兩旁生爪蘇松皆然

婁縣續志

卷十二

祥異

三

三年癸未春二月大雨至夏五月方止秋七月大雨九月亦如之是歲大饑

十三年癸巳秋十月霪雨後復繼以雪禾稻不登是歲租糧無着大饑

十六年丙申夏五月二十二日夜雷聲甚震相傳府學

聖殿被擊

神座後牆穿一穴徑尺餘正殿四圍牆上雷楔可數千計前面兩廊木似爲龍爪劈碎附近居民云電光閃處見一巨蛇環在脊上與雷格鬪或云前砌月臺時旁露一孔孔中見一人面形懼而急掩之茲遭雷擊

卽此物與

十八年戊戌冬十二月除日天氣如仲夏夜大雷電
雨

二十年庚子初夏西北郊相驚有鬼火兵撤夜鳴鑼
不睡華亭姜臯作鬼兵行

二十一年辛丑春二月二十六日夜二鼓時地震夏
四月初天南有白氣一道長二丈餘自西指東形如
幅布日沒卽見月餘乃隱五月十日雷震魁星閣或
曰曾見一物似猴而無毛盤居閣中雷震時揭去一
頂秋八月十六日三鼓後大星隕西北聲如雷
二十四年甲辰冬十月二十三日戌刻地震

婁縣續志

卷十二

祥異

四

二十五年乙巳夏六月地震

二十六年丙午夏六月十四日丑刻地大震冬十月
五日亥刻地又震

二十七年丁未夏六月十三日地震衆星隕二十八
日颶風大作

二十九年巳酉春二月大雨晝夜不息至五月方晴
時田未種秧南北東西汪洋無際是歲大荒六七月

間地屢震

咸豐元年辛亥春正月十七日夜子刻地震三月大雪
二年壬子夏五月地生白毛是年大旱冬十一月地

震

三年癸丑春三月七日夜地大震連日屢震六月天之南有星光芒四出七月天之西北有星芒直出四尺有餘者八月初十天雨雹冬十二月天氣如春
四年甲寅秋七月地大震十六日午後颶風大作冬十二月地屢震
五年乙卯秋大疫十月十三日夜地動
六年丙辰夏大旱自五月至六月不雨地生毛苗槁有蝗自北來田禾被食中秋後熱如夏飛蝗復來
八年戊午秋九月有星孛於西北長約丈餘上濶下銳每夜移至西南而沒二十餘日乃隱
九年己未春三月初六日夜彗星見於西方

十年庚申春三月十三日大雪立夏日寒如冬令五月十四日夜大星隕十九日夜彗星見於西北光長尺許直指東南

十一年辛酉夏五月二十六日夜有星孛於斗垣下自西北指東南白光如匹練長約數丈匝月乃滅秋八月十八日晚有小鳥無數自東北往西南日沒後徧處鳥聲甚夥居民鳴金逐之一更許乃止十九日夜城鄉鬼嘯大風雨二日冬十二月二十六日大雪至三十日始止門戶被封平地雪深數尺時適髮逆犯境因之凍餓死者無算黃浦冰至正月十四日解同治元年壬戌夏五月大疫秋七月三日夜半天忽開

朗如晝頃刻卽冥

二年癸亥春二月城鄉鬼嘯

三年甲子春三月三十日酉刻地震夏五月十日夜半狂風大作傾屋廬無算樹木有爲之拔者

五年丙寅秋九月十五日黎明地震冬十二月七日子刻又震

九年庚午正月二十七日夜有聲自西南起轟轟莫辨次日傳爲陰兵動云

十年辛未夏六月十六日夜有星自東移西隕於地大於雞子光焰甚長二十六日夜東南有一星赤如火徐徐挂下

婁縣續志

卷十二

祥異

六

十三年甲戌夏五月十八日夜西北有星光長二尺直指東南二十餘日而滅

光緒二年丙子夏四月訛傳翦辮并紙人壓人城鄉皆然家家門上貼籛籛籛籛四字至七月始息六月十五日黎明天色赤如臙脂約二刻許七月初金星晝見

三年丁丑五月二十三日大風雨拔木壞室廬無數六月飛蝗自西北來集泗涇一帶越二宿而去七月初遣蝻復萌路爲之蔽田禾間有損傷

婁縣續志卷十二終